

برنجی سنه * نومرو ۱۹ - ۶ رمضان ۱۳۳۰

پازار ایرتسی

۶ اغستوس سنه ۱۳۳۸ - ۱۹ اغستوس افرنجی سنه ۱۹۱۲

سر محرر: شهبندر زاده فلبلی

احمد هلمی

محل اداره سی:

جفال اوغلنده « حکمت » اداره خانه سیدر .

حقه مقرون، اغراضدن سالم افکار و مقالاته صحیفه لر من آچیقدر.

« HIKMET »

Journal turc, quotidien et politique

DIRECTEUR-PROPRIÉTAIRE :

A. HILMY CHEHBENDER



اداره مدیری : فلبلی

محمد زهنی

اشترا بدلی:

برسنه لکی ۹۵ ، آلتی آیلمی ۵۴ غروشدر .

پوسته اتحادینه داخل ممالک اجنبیه ایچون قرق فرانقدر.

ABONNEMENT

un an : 95 piastres و six mois 54 p.

Union postale : un an, 40, six moi, 25 Fr.

Rédaction : Constantinople, Djagal oglou

نسخه سی : ۱۰ پاره در

حقیقته خادم یومی غزته در

نسخه سی : ۱۰ پاره در

ساده سوزلر

قارداشلر!

ایشته انتخابات زمانی کلدی. انتخاب دیمک آرتق بیلورسکیزکه، ملتک ایشلرینه باقان وکلای کوز آلتنده بولوندر اراجق آدملری سهچک دیمک در.

ایشته سوکیلی قارداشلر، بو آدملری سز سهچه جکسکیز. و سز سهچه جکسکیز ایچین، اونرک آیدکندن و فنانگدن آنجاق سز مسئول اولاجکسکیز.

آرتق بویاشک نه قدر اهمیتی برایش اولدیغی سویله که حاجت وارمی؟

عقلایی وایشنی بیان بر آدم، اوینه بر اوشاق آلاچق اولسه، بونک ایشنه یارار، اگ ناموسلی واک چالیشقان بر آدم اولماسنه چالیشیر. بویله ایکن ملت ایشلری ایچون سهچله جک بر خدمتچی نک نه قدر بویوک بر دقله آرانسی لزومی سوز کوتوریرمی؟

بوملت خدمتچیلرینک آدی «مبعوث» دره. برمبعوث ناصل اولمالی؟ اولابوراسنی آکلامق لازم. صوکراده بر مبعوثی ناصل سهچلی؟ ایشه بونی ده بیلیمک کرک.

اولا شوراسنی سویلیم که: سزه بریسی ایچین «چوق آبی آدمدر» دیرلر سه، هان اینتامایکیز. اونک آبی اولدیغه سزک یورککیز اینتامالی در. بونک ایچین ایسه او آدمک نه بیلدیکنی، هیچ اولماز سه شو بر قاج سنه ایچنده نه یایدیغی، و مجلسه وکیل کیدر سه نه یایدیغی آکلاما کز، بیلیمه کز لازمدر. اکر بوللايه جغکیز آدم، اولجه کوردکلریز کبی یالکیز او بویاجق و یا خود عقلی ایرمدیکی وایر سه ده دیکله مدیکی ایشلر ایچون ال قالدیر اراجق ایسه، یازیق سزه، یازیق همزه!

ویازیق ملت کیسه سندن چیقان الی ویا زیاده آلتون آیاغه! دوغریسی یا، براز او یقو بر جناسیتی ایچون بو قدر پاره پاره چوق!

سزک وکیلکیز، بوتون ملتک ده وکیل دره. اونک اگ بویوک بورجی، حکومتی آبی اللهه بر اراجق و بونک ایچون اوغراشمق دره. صوکر، وطنمک بوتون یرلری ایچین حکومتک نه یایمق ایستدیکنی آکلامق، اکر یایمق ایستدکلری شی، خیری وفانده لی ایسه، حکومتی ملتک آلی دیمک اولان آلیله طوتمق واونی قوتلندیرمک، و شاید حکومتک یایمق ایستدیکنی شیلر ملت ایچین ضررلی ایسه «یوق! بویاشی یایمه» دیمک در.

حکومت، بر سنده نه قدر پاره خرج ایده جکسه و زده صرف ایده جکسه اونی مبعوثلر بیلدیریر. اکر حکومتک «بودجه» دیدیکی بودقتر، دوغری وفانده لی ایسه، مبعوث اونی تصدیق ایدر. دکسه قنایرلری دیکلشدیریر، صوکر تصدیق ایدر، اکر بوتون بوتونه لزوم سز بر مصرف ایسه، اونی ده دقتدن چیزر.

زده وکیه بر حقمسزلق یاییلدیغی دویسه، مبعوث حکومتک شکایت ایدر، حقمسزلی قالدیریر. اهالی به خدمت ایدن مأمورلرک مکافات کورمه سنه، فنانق ایدنلرک ملت باشندن قوولماسنه چالیشیر.

مکتبیلرک چو ظالمانه، چفتجیلکک، اصنافانک، تجارتلک، صنعت صاحبیلرینک ایلرله مه سنه اوغراشیر. ملتک پاره سی نسبتنده

بولار، ده میر یبوللری، فابریقلر، لیمانلر کبی شیلرک یاییلماسنی، قوولماسنی ایستر. ایشه برمبعوثک بوتون ماته قارشى عمومی بورجلری. صوکراده مبعوثک چیقدیغی یره خصوصی بورجلری واردر.

هریرک کندیغه کوره بردردی، بر بلاسی وار. کیکی طرفده هیچ یوق، کیکی طرفده مکتب چوق آز، کیکی یرده اهالی براز یاردمه محتاج، کیکی یرده ایسه بر طاقم آغالر، بکلر، ملترملر، هرناصلسه اهالی ایچین فاندلی اعیان ووجوهی قاجیرتمشیر و خلقک تپه سنه ینمشیر. بوتون بودردلره درمان اولمه اوغراشمق مبعوثک بورجی در. ایشه قارداشلر، بویله آدملری آراییکیز، بویله آدملری بولکیز و کندیکیزه وکیل یاییکیز که سزکده کندیلرینک ده، ملتک ده یوزنی اغارتسینلر.

ارز ده میر

قوت برختولرک دول معظمه نزنده تئبئی نوبه فرایه پره سه غزنه سنک باش مقاله سندن: آوستریا مجارستان خارجه ناظری قوت برختولر، ترکیه احوالی حقنده بر مذاکره ده بولمق اوزره برلین معاهده نامه سنی مضی دولتری بر قونغریه دعوت ایتمشدر. قوت برختولر بویاده دعوتنامه لر کوندرمش، جوابلر بر قاج کونه قدر ورود ایده جکمش تورکیه نک تقویه سی تورکیه مشکلاتنک ازاله سی وعینی زمان ده عثمانلی ایمرطور لغتک خرسیتان اهالیسنک حال و وضعیتی اصلاح ایدیجی بوقونغریه دول معظمه نک اشتراک ایده جکی وادرسنه اشتباهدر اولا شو جهت معلوم اولق لازمدر که قوت برختولرک بولشبی تورکیه امور داخلیه سنه اصلا برمداخله تشکیل ایتمکده در. مداخله بولیتقه سی چوقدن بری فوت ایتمش، دفن اولمشدر. مداخله بولیتقه سنک یکیدن باش کوسترمسی تورکیه نک ضعفی باعث اولوب ویانه خارجه نظارتی بوکی بر مقصد تعینندن اوززاقدر: قوت برختولرک مقصدی، تورکیه بی تقویه بر طریق مسالتمده بولان تورکیه بی اصلاحات اجراسنه سوق ایتمکدن عبارت در.

شمذیلک بو خصوصده هیچ بر پروگرام یوق در. شمذیلک یالکیز دولتره بر دعوتنامه کوندرلشدر بو دعوتنامه ده تورکیه وبالقان احوالی تصور ایدلش، تورکیه اداره حاضره سی تقویه و تورکیه نک امر اصلاحاتنه ایقاع مشکلات ایتمه مک خصوص سنده بالقان دولتری نزنده اجرای تأثیردن عبارت اوله جقدر.

دول معظمه بو خصوصده فکرلری اظهار ایده جکلردر. آوستریا مجارستان حکومتی، آرزوسنی، کیسه به اجبار ایتمک ایسته مز. قوت برختولرک انجق، شو مساعد زماندن بالاستفاده تورکیه اداره سنک اصلاح و تقویه سنه چالشمق و سائطنک بولیتقه سی تکلیف ایده جکدر بو مذاکره اتدن مقصد «شرق مسئله سنی» یاخود شرقی محیطی اشغال ایدن مسائلدن بری حل ایتمک، دکلدر.

مذاکرات پروگرامی هنوز سویلیمکیز وجهله - تنظیم اولنماشدر. قوت برختولرک انجق مذاکراتک موضوع بحثی دعوتنامه ده بیان ایتمشدر. تورکیه طرفدن اجرایی تصور اولان اصلاحاتک قوه دن فعله کلسی ضمتنه برمهات و یوریلر جکدر.

عجبا بو مذاکراتک عاقبتی نه اوله جقدر؟ بوشمدیدن معلوم اوله ماز. دول معظمه هنوز قوت برختولرک دعو- تنامه سنه جواب ویرمه مشلر سه ده پک یقینده جواب ویره جکلری محقق در.

صلح مذاکراتی

استانبولن (أنفورماسیون) غزنه سنه یازیلور: مذاکرات صلحیه سعید پاشا قاپینه سی زماننده باشلامشدر.

اتحاد و ترقی جمعیتی محاربه به نهایت ویرمک اوزره مذاکرات رسمیه مباشرت ایتمزدن اول محارب حکومتین یننده بر زمین ائتلاف بولمق لازم کلدیکنی ملاحظه ایلش ایدی.

سعید پاشا جمعیتک بوتشبتندن خبردار اولور اولماز رسماً موافقت کوستردی.

جمعیت، اعضا سندن ایکی کیشی تعیین ایتدی. صاحب نفوذ اولان ذوات مذکورده دن بریسی داخلیه، دیکری خارجه نظارتی مأمور- لرندن در بولر، جمعیت نامنه اوله رق، صرب پساپورطی ایله استانبوله گلش ایکی ایتالیان ایله برابر مناسباتده بولندیلر. مذاکرات هان باشلامش، عینی زمانده پرنس سعید حلیم ایتالیان رجالیله مذاکراته کیریشمک اوزره اسویچره به عزیمت ایتدی.

بو مذاکرات صره سنده ایتالیا (بنغازی) نک تورکیه به ترک اولمسنی قبول ایلش ایدی. بوکا مقابل حکومت سنی به بنغازیده ایتالیانلره بعض مساعدات اقتصادی ده بولنه جغی وعد ایتدی.

ایتالیا طرابلس ولایتده تورکیه به بعض حقوق سیاسی و بریورو بوسورته ذات شاهانه نک حقوق حکمرانیسی - پک جزئی بردرجه ده - محافظه اولتیوردی. هر حالده مقاله نامه سنده الحاق قرارنامه سی موضوع اولیه جقدی. نه کیم تونسک فرانسه به قارشى وضعیتی تنظیم ایدن باردو مقاله نامه سی اصلا موضوع بحث اولماقده در. والحاصل، اوزمان، بتون بو خصوصات حقنده طرفینجه ائتلاف نام حصوله کلدی.

انکلتزه قرالی ویانه ده

فرایه پراسه یازیور:

سرای محافلنده روایت اولدیغه کوره انکلتزه قرالی زورر، ایلول یاخود تشرین اول آینده ویانه به کله رک آوستریا ایمرطوری زیارت ایده جکدر.

آچادامارد:

ارمنی پتریقخانه سی مجلس عمومی اعضا- سندن اتوز ایکی کیشی جمعه کونی غلطه ده اجتماع ایده رک اارمنیلرک انتخابات جدیدده تعقیب ایده جکی خطحرکتی حقنده مذاکره ده بولنمشلردر. نظر حکومتده، ارمنی ملتک مرخصی پطریق ایله مجلس عمومی اولدیغی وارسته اشتباهدر. بناء علیه ارمنیلرک طلب ایتدیکی اون بش یاخود یکریمی مبعوثک انتخابی لزومی حکومته عرض و بیان ایتمی در. بونی متعاقب، مذکور مبعوثانک انتخابی کیفیت ارمنی ملتده کی فرق سیاسی طرفدن اجرا اولمق لازم در. ارمنی پتریقخانه سنک یالکیز بر صلاحیتی واردر: انتخاب اوله جق مبعوثلرک عددی اارمنیلرک عددی ایله متناسب اولمسنی طلب ایتمک. اوندن ماعدا کی وظیفه بی فرقه لر ایفا ایده جکدر.

انظار منته

سیونیست سیاست منجوسه می

کوز بویاماسی، سوسله مه

و

افکار ملیه ایغفال واشغال

دور استبدادک صفات کاشفه سندن بری ده ملتک اسیر منزله سنده بر اقلیماسی و هیچ بر شیشه قاریشدر یلیماسی ایدی. ملتک، حکومت دینیلن منظومه کی اشتراکی، یالکیز بار تکالیفی طاشیمقندن وعسکرلک ایتمکدن عبارت قالمشدی.

حاکمیت ملیه اعلان ایدلیدیکی کبی، اوکونه قدر محجور و محروم بر اقیامش اولان ملت، سن ریشه واصل اولار ق ظالم و صیدن قورتولان برکنج کبی، بوتون بر سه و یخه ملکینی تدقیقه قویولدی. عجبا نه کوردی؟

اوزون بر اداره غدر و اعتسافک سراسر خرابه زاره چوریدیکی بر مملکت، اکثریت افرادی پنجه سفالنده ایکنه بر ملت!

عالمده هرشی عمل وعکس عملدن عبارت اولدیغه کوره، اوکونه قدر بر این نظم اظهارینه بیله قدر تیاب اولامایان ملت، بردن بره اوزون و بویوک مطالب درمیانه باشلادی. دوغریسی آرانلیر سه قباحکک بویوکینه متفکرلرده، مدبرلرده، رجال اداریه ده ایدی. زیرا هرکس، بر نوع جنت شادی به مبتلا اولمش، بوتون مشکلاتی اونودارق، ملت قارشى انجازی غیر قابل وعدلر باشلامش ایدی. لکن وعد ایله انجاز آراسنده کی مسافه و مشکلات دوشونیلر سه، بو مواعیدک قولده قالا جی بدیهی ایدی. بویاده یاییلجق شی، بر طرفدن حقیقت حالی ملتسه آکلامق و دیکر طرفدن یاییلماسی ممکن اولانلری کال جدیتله ساحه اجرایه قویمق ایدی.

بویله یاییلجق یرده ملت قارشى بر «آوومه» سیاستی رونما اولدی. بوسیاستی ده ارکان اتحاده دکل، اونلری ده دام افندار و اغفالنه دوشورمش اولان آدملره بورجلویز.

کوز بویامه، سوسله مه، آوومه سیاستی، حالا بکارت وجدانیه وصافیت قاپیه سنی محافظه ایتمکده اولان بر ملت قارشى بویوک بر جاذبه کوستره جک ایدی. فی الواقع کوستردی ده. اداره دولنک هانکی شعبه سنه کوز آتیلسه بوشکل سیاستک اثری کوریلیر.

معارفه باقارسق، هنوز تدریسات ابتدایی سی تنظیم ایدلین بر مملکتده سلطانیلر آچق، آووج دولوسی پاره صرفیه بولسز بر صورتله اورویاه طلبه کوندرمک، صوکی کلز پروگراملر یایمق، اسماری اونودیلا جق قدر عدد دروسی چوغالتمق، [الی اخره] کبی شیلر کوریرز. امور داخلیه به باقسه ق، قونفرانس ویرن والیر، ملتک عزت نفسی اوقشامقده آوتمق وظیفه سنی تعقیب ایدن قونفرانسجیلر، بیقارز یاقارز، دنیایی آلت اوست ایده رز، قیلندن خطابه لرله افکاری هیجانلرله بسله بن ناطقه. بردازلر، مکتب چوجقلرینه متاداً قسیده لر، مارشلر اوقوتمق وعسکر قیافته صوتمق کبی جمیلر، تیاترو، قلوب و کتایسز کتبخانه آچهلر، مشاهده ایلرر.

نافعه به نظر ایتسه ک، کهکشانه قدر کیده جکی

وعد اولونان و عمومی، خصوصی کبی دلفریب تقسیماته اوغرایان و عند الحسب یوزده قرق فضله سنه احاله ایدیلن یولار، نابدید الکتریق تراموایری، نابود کوریلر و لیمانلر، موضوعی ناموجود بر سوری لاف و کذاب کوریرز.

لکن بوتون بو سوسله ملرده ال پارلاغنی و عینی زمانده سوسله مه سیاستک موجدلری، تظاهرات ملیه ایجاب ایتدیکی زمانلرده کوریهوردق. اعیاد ملیه ده مانی نك، انتخاباتده صندقلرک تزیینی حقیقه دلری اولویوردی. سسلانیکک مهد حربت اعلان ایدیله سیله برابر استانبول محیط سفیل «تجارتی» سسسمزجه استیلایدن بر تجار سوریسی، بوخصوصده جدأ بویوک بر مارت کوسته ریوردی.

سوسله مه سیاستی، کوزه چارپان هر شیده تطبیق اولویوردی. پولیسلر مرکز بر سنه ده ایکی کره قیافتده کیشدرمه لری، ژاندارمه لر مرکز الیسه می و الحاصل بوکا مائل خصوصاته هب قوت خارجه، رسمه، صورت ویریلوردی. لکن کوز بویامه سیاستک ال تاثیرلی تطبیق مطبوعات و نشریاتده کورولمکده ایدی. بروقت، غیرتلی غزتلر، سایه شاهانه ده یاغهور یاغدی، دیسه جک درجه ده فرط صداقت کوستردکاری کبی بر قسم مطبوعات جدیده دخی مملکتک بالجه حادثاتی، مناسبات خارجه سنی بررنگ دیکرده کوسترمکده وشو حاله حادثاتی دکل، کوزلری بویامقده ایدی.

یمن ده بیک دورلو مشکلات یوز کوسته ر. بیورکن، وقعه نك اهمیتی قلیل ایدیله ایدیله علی الماده بر قاق شقی نك قفا طوماسی درجه سنه ایندیریلوردی.

حدیده وجوارنده عسکرولواماتی چقا. راجق بر اسکله بوق ایکن، عسکر و لوازم طالیجبارک اوموزنده و بیکرله سنه اول اولدینی صووتده چقاریلرکن، یمنده طبیسزک، ادویه سزک و لوازم نقصاندن بیکرله اولادوطن تلف اولوب کیدرکن دیدیکمز مطبوعات، عسکرک مکمل بر حاله کونده دیلیدیکندن، اسباب استرا. حتربنک مکملیتدن بحث ایدیوردی.

والحاصل کوندن کونه مشکلات وسفالت اقتصادی مملکتک مجامع حیاتی قاپلایورکن، هر واسطه و هر وسیله ایله سعادت عمومی نك ترایدندن بحث اولویوردی!

کوز بویامه سیاستک ال تاثیرلی تطبیق ایسه حسیانه عائد خصوصاته رونما اولویوردی. هر نامناسب حرکت، مقدس و محترم برحسک، برلومک الجا آتیله یاپلمش کبی کوسته ریوردی.

بویله حساس، بویله لزوملر، بر چوق وجدانلرده جایگیر ایدی. هر کس، وطن و مملکت اعلاسنی دوشونور و کندنجه بولدی چاره لک تطبیقی اومویوردی. کوز بویامه سیاستی ایسه بومتخالف ایدیلرک هدی آلداتیوردی. بوسبیه مبنی ایدی که افکار متضاده به مالک ذوات، صانکه بوقدر ضد و متناقض فکرلرک ساحه اجرایه قونولماسی بشرک ید قدرتنده ایمش کبی، اونلرک فعله چقاریلانسی بکلیوردی. غیری شوراسی که بوکوز بویامه سیاستی، ولورمدتیک ایچون اولسون، اورویاه قارشى بيله تطبیق اولونمق ایسته نیلدی. «ماوی بونجی» لطیفه سی دول معظمیه قارشى یاپیلدی. شوتنر یافتمدن هر صاحب انصاف آکلار که

بویله برسیاست، افریقا چوللرنده کی اقوام ابتدایه اوزمزنده تطبیق اولونسه بيله، عثمانی اجتماعیتی میدانه کتیرن و ذکاوتله ممتاز عناصر مسلم و غیر مسلم اوزمزنده اوزون مدت تطبیق اولونماز وایش برافلاسله نتیجه لیر. ایشته صوک انقلابی یاپان عواملک بری ده خلقمزلک ال ذکی و منکامل بر صنفده، بو افلاسک تحققی و هر کسک آلدایدیلرک تظاهری اولدی.

بوافلاسی کیزله مک چوق چالیشیدیلر. حقى عناصری بر برینه دوشوروب قانلی مصادمه لک وقوعنی بيسله تجویز ایتدیلر. لکن افلاس، قیریلان ایدیلر قدرشدنی اولدی و اونی کیزله مک دکل، نتایجی براز حجاب مساحه ایله اورمک امکائی بيله قالمادی.

بوندن صوکراسی ایچون کوزمزی آچالی و هر کیمه اولورسه اولسون بویاممالی یز. بزه چوق وعد ایدیلر قارشى براز احتیاط کوسترلم. مملکتمزده، خارچ و داخل اعتباریه، مشکلات بک چوق و بونلرک ارتفاعی عظیم همتلر و سورمه کلی غیرتله محتاجدر. بوراسنی مردهجه اعتراف ایدیلر، بزه مقبول اولدی در. لکن قوری سوزله و صانکه سحر یاز دکنیکله بو مشکلاتی قالدیرمق اده سنده بولونانرا اولورسه، اونلر قارشى ده براز توقی، سلامت ملیه من ایجاب اتندیلر.

شهیندر زاده قلیلی

احمد علمى

خارجی خبرلر

ردوسه یونان دولانی

ایتالیانلرک ردوس جزیره سیله دیکر اطه لر دن بعضیسی استیلا سندن صکره جزائر بحر سفیدی اداره عثمانیه دن آیریق مقصدیه وجوده کتیریلن حرکت افتراقجویانه یی یونان حکومتی نامه ترغیب و تشویق ایتک اوزره ردوس قونسلوخانه سنه مأمور اعزام قلمش وبالاخره پاطموس قونقره سنک ترتیبده تشبثات فعلیه سی کورلمش اولان «لی پانس» اجرا ایدیلن تشبثات سیاسیه اوزرینه مذکور قونسلوخانه ده کی مأموریتدن عزل ایدیلرک آتیه به جلب ایدلمشدر.

ایمپراطور فرانسوا ژوزف

دون اوستریا ایمپراطوری فرانسوا ژوزف حضر تلرینک یوم ولادتلیرنه مصادف اولدیلندن سفارتخانه ده رسم قبول اجرا ایدلمش و قره غول سفینه لر دن یکریمی بر پاره طوب انداختیلر رسم سلام ایفا اولمشدر.

ملاقات حکمداران

انکتره قرالی حشمتلو ژورژ حضر تار به اوستریا و مجارستان ایمپراطوری حشمتلو فرانسوا ژوزف پیشده یقینه بر ملاقات اجرا ایدیله چکی اخبارات تلغرافیه دندر.

داخلی خبرلر

آرناودلق مسئله سی

حدوده قره داغلیلرله وقوعه کلن مصادمات اوزرینه برانه مسلمانلرله خرسیتانلر آره سنده ظهور ایدن مهاجرات دن طرلانی حکومت تحقیقات جدیه اجراسنی امر ایتمشدر.

آرناودلق مسئله سنک شکل حادی ضایع

اولدینگی و یارینه قدر شایان ممنونیت بر چاره تسویه بولنه جغنی عثمانی آزانسی تأمین ایدیور. ژون ترک غزته سنده اوقوعشدر:

اون ایکی بیک آرناودک سلائییکه دوعری آقین ایتدیکنی استخبار ایتش ایسه کده وقتک عدم مساعده سنه مبنی مسئله یی تمامها تحقیق و تدقیقه موفق اولامادق. شو قدر که معلومات کافیه اربابشدن بر وجه زیر بعض معلومات آلا بیلدک:

آرناودلر اسکوب حبسخانه عمومیسی آجارق بیک قدر محبوسینی طیشاری چقارمشلردر بونک بر خطا اولدینگی محقق ایسه ده رؤسادن بوبایده بر امر آلمش اولمالری غیر محتملدر.

استخبارات اخیرمه مزه کوره اوچ بیک قدر ارناود سلائییکه متوجهاً کوریلریه قدر کشلر. فقط بونک بعض رؤسا میاننده کی سوء تفهمله حکومتک هنوز مطالباته ویردیک جواب موافقدن خبردار ایدلمه مسندن نشئت ایتدیکی ظن اولمقده در. بعض ارناودلر طرفندن سلائییکه دوعری بر حرکت اجراسی اوزو ایدلمکده اولدینگی معلوم در. مع مافیه حکومت بویکیلر وظیفه لری ییلدیرمکده کچیکمیه جکدر. حکومتک، آرنا. ودرک مطالباتی قوانین مشروطیت داخلنده تمامیه بیان وافهام و شاید تکرار بر حرکت عصبانیه جریانتک رونما اولدینگی کوره جک اولورسه در حال تدابیر موثره قطعه یه توسل ایده چکی مستخبراتمز جمله سننددر دیور.

عنائیشر لوئید غزنه سی بوشایمه دن بحث ایتدیکی صیراده دیورکه:

اسکوبه کلش اولان آرناودلردن بر قسمی سلائییکه متوجهاً حرکت ایدرک کوریلریه مواصلت ایتمشلردر. مقصدک تسریع مطالبات ایچون بر نمایش اجراسندن عبارت اولدینگی بیان ایدلمکده در. صوک خبرله کوره سلائییکه یوز قدر ارناود کلش و بوقافله یی دیکر لرینک تعقیب ایده چکی جمله احتمالادن بولونمشدر.

قره داغ حدودنده مصادمه

اسکوب ۱۸ اغستوس — حدودده مصادمه لر دوام ایدیور. قره داغلیلر برانه یه دوعری یاریلرله مشلردر. حکومتک قومیسونی ایله مذاکرات دوام ایدیور.

بومبا وحشتلری

بومبا دردستی — قادیلر بومبا طاشیور — جسور و وظیفه شناس بر پولیس مأموری قوصوه:

بوکون ساعت یدی راده لرنده قونوق پولیس مأمورلردن ساپا افندی منقعه داخلنده کشف و کذار ایدرکن حال وطورلردن شبهه ایتدیکی بر قادین و برارککه طورملری تکلیف ایتدیکی حاله فراره تشبث ایلری اوزرینه بالتعقیب طریاقو نامنده اولان ارککی دردست و اوزرینی بالتجری برشی بوله مینجه قادینک تعقیبه بالتوسل مذبوره یی ده دردست ایتمشدر. اوزری تحری اولندقدن الی یدی کیلو ثقلنده تیمور پارچه لری و دیشامیت ایله ملو قباغی اوزرینه ایکی تل و مرابع بر تنکه و اوچ بیچ کیلو ثقلنده بر غلیمیرینی دینامیت ایله ملو اوچ که جمعاً بش بومبا و بر بیوک مانا. سوروکی قوی الله ایدلمشدر. اجرا اولان استیجوابده مزبوره طانیه یه جغنی ایکی کنج

طرفدن کندوسنه جبراً ویریلوب محل تعلیق دخی سسویلکدرخی افاده ایله یورساده بونک خلاف حقیقت اولدینگی آشکاردر.

پولیس افندیکنک قادینی تعقیبه شتاب ایتدیکی صره ده اورته دن غائب اولان طریاقو شدتله تحری ایدلمکده در. قادین نونجه قریه مسندن الی یاشلرنده استویاتقده در. بو بومبارک کچن صالی کونی قصبه ده اشتعال ایتدیرمک اوزره کوندریابوب اجرا اولسان تدابیر نتیجه سنده موفق اولنه میان و فقط قصبه دروننده موجود اولدقارینه قساعت حاصل اولان مواد انفلاقیه نك بقیه سی اولدینغه شبهه یوقدر. قادینک استجوابنه کال اهمیتله دوام ایدلمکده اولوب اشبو استویاتقونک مذکور بومباری لویاره محله سندن ذخیره یی بواندن تسلیم ایتدیکی و کندوسنی مذکور قریه اهالیسندن ارحوایمو وطونجه قوزنک قصبه یه سوق و اعزام ایتدیکری و اندریا آپوستول و طریاقو بوسه نامنده کی ایکی کیشینکده معاونت و مشارکتی اولدینگی افاده ایتمسيله مرقوماندن اندریا و طریاقو دردست اولنه رق جهت عدلیه تسلیم قلمش و هنوز الله ایدیلر. میان ارسو ویون طونچوشدته تحری ایدلمکده بولنمشدر.

قوچانه حادثه سی

قوچانه ده آتیلان بومبا نتیجه سنده بیکس قالانلرک اعاشه لرینه مقتضی مبلغک خزیننه جلیله دن اعطاسی مقام صدارتدن مالیه نظارتنه امر و اشعار قلمشدر.

منهپ

مناسر:

اغستوسک برنجی ایشامی قرقچوه سوری داخلنده جوق شیطو بانچه ییلاسنده ریح و دارظه اشقیاسندن التمش کشیلک بر چته طرفندن غاقشنکلی یوصف طودور کپیانک (۸۰۰) قیونی غضب و چوبانلردن بری جرح ایدلمکله تعقیبانه ابتدار قلمشدر.

آزادامارد غزنه سی

ازمنیجه آزادامارد غزنه سی ۴ اغستوس تاریخی نسخه سنده قوچانه حادثه سی ختمنده ضعف اداره سرلوحه سی آلتسنده یازدین باش مقاله دن طولانی مطبوعات داخلیه مدیریتی طرفندن بلا مدت تعطیل ایدلمشدر. دوندن اعتباراً ارضروم بمبوت سابق و ارتکس افندیکنک مدیر مسئولیتی تخمده آراچامارد (جدال ترقی) اسمنده بکی بر غزنه انتشاره باشلامشدر.

مکاتب رشدیة عسکریه مدیر عمومیلکندن: روسه لیلی رشدیة عسکریه سنه طالب اولوب برای امتحان صغری چشمه رشدیة عسکریه سنه مراجعت ایدن شاگرداندن معاینه لری اجرا ایدلکدن صکره استدعالری آلوب کیمش اولانلرله امتحانلری ا کال ایتنه دن صاوشمش و یاخود هنوز معاینه طبیه لری اجرا ایدلمش اولانلرک ماه حاک یدنجی صالی کونی صغوق چشمه رشدیة عسکریه سنه مراجعتلری و مراجعت ایتدکاری تقدیرده نقصان قلمش امتحانلردن دونک نظریله بایله جغنی اعلان اولنور.

مدر مسئول

حکمت مطبعه سی احمد علمى